

XX Concurso de Microrrelatos Mineros Manuel Nevado Madrid
Año 2023

Accésit Jóven: *Diariu de silenci*

Pseudónimo: *Voluntariu34*

Autor: Borja Fernández Rubio, Sotrondio (Asturias)

Ye 4 d'abril de 1962, entama a calentar un pizcu'l sol, esto sumao a los díes que llevo sin baxar a les entrañes de la tierra ta ayudándome colos dolores d'espalda, pero igualmente nin yo nin nengún compañeru ta llibráu del peligru d'esto que tamos faciendo.

Mio nome ye Armando, anque los mios compañeros del Nicolasa llámenme "el boliche" "pol mio paecíu col bolu y la mio afición por ello. Güei faen 4 díes dende qu'entamemos la fuelga, muchos dirán qu'esto ye un suicidiu pola situación actual del país, pero nun podemos seguir asina, los sueldos nun nos dan pa vivir y coles hores qu'echamos ya nun tenemos tiempu pa la familia.

Cuerre'l rumor que van a echanos pa casa poles fuelgues pero los compañeros del María Lluisa nun-yos pasó lo mesmo asina que nun creo que nos faigan muncho, l'otru día tuvi testificando ante la guardia civil poles fuelgues y nun me pasó na, asina que pa que voy rucar la testeya.

Ye 6 d'abril de 1962, güei ta orbayando un pizcu, avisáronme de que tengo que pasar poles oficines del pozu, nun sé que quedrán, quiciabes ceden a los nuestos pidíos y entamen a subinos el salariu, dire a da-yos de comer a les pites y marchare pe elli, les provitines nuntiene culpa de la fuelga.

Acabo de llegar a mio casa, l'aconceyamientu nel Nicolasa foi pa echanos a la cai por lluchar polos derechos nuestos como mineros. ¿Nun yos dará vergüenza?

Vuelvo a escribir nesti diariu pa cuntar qu'acaben de ponese en fuelga 25 compañeros más del Nicolasa, vengo Pachín a dicinos que mañana van facer una manifestación p'apoyanos, nes noticies tan falando de nosotros y tamos na boca de tol pueblu.

Ye 7 d'abril de 1962 a ratos sal una plizca'l sol y dempués orbaya, voy ver si para de orbayar pa entamar a cabar la güerta pa les pataques.

Güei ye la manifestación, pel pueblu nun se comenta otra cosa, a más, compañeros d'otros pozos van venir y nun solo mineros sinon también los mis coyacios de la bolera.

Acabo d'enterame que'l gobiernu, por orde de Franco, ta movilizando antidisturbios y guardies civiles pa la manifestación, espero que la xente se controle y nun haiga problemas.

Ye 8 d'abril de 1962 güei fai sol y cuerre l'aire peles casi, güei voy echar les pataques. Ayeri la manifestación foi un ésitu que me dio más apoyu pa seguir cola llucha, cada día súmense más compañeros a la fuelga y les manifestaciones multiplíquense.

Ye 9 d'abril de 1962 güei fai sol, tengo que dir al cuartel de la guardia civil, en volviendo escribiré lo que me digan.

Nun tengo munchu tiempu pa escribir, hai una pareya de guardies civiles na puerta de casa esperando pa llevame al cuarteliyu, dexárome volver pa garrar un plizcu de ropa y despidime de la familia, dixéronme que nun serien más de 3 díes lo que tare nel calabozu.

Ye 8 de xunu de 1962 fai muncho que nun escribo, llevo 2 meses metíu na cárcel polo que denominase agora La Güelgona, dempués de munches lluches, enzarraos de compañeros y apoyu de la sociedá'l gobiernu aceuta les nuses esixencies y a min soltáronme.

Yá que paso tola tormenta, párome a pensar, cola fuerza que tenemos toos y lo qu'acabamos de demostrar, que nun ye poco, por qué nun nos xunimos más xente y siguimos lluchando, por qué dexalo equí, porque nun cambiar más coses, por qué, por qué seguir tragando.